



Bosnia and Herzegovina
Federation of Bosnia and Herzegovina
CANTON SARAJEVO
Ministry for Science, Higher Education and Youth

Broj: 27/04-01-04-31246-8/26
Sarajevo, 13.7.2026. godine

SKUPŠTINA KANTONA SARAJEVO
n/r predsjedavajućeg Skupštine

KABINET PREMIJERA KANTONA SARAJEVO
n/r premijera

PREDMET: Odgovor na zastupničku inicijativu zastupnice u Skupštini Kantona Sarajevo Prim.dr. Smiljane Viteškić, *dostavlja se*

Veza Vaš akt, broj: 01-04-31246-8/26 od 17.6.2026. godine

U okviru 31. radne sjednice Skupštine Kantona Sarajevo, održane dana 17.6.2026. godine, a u skladu sa čl. 112. stav (2) stav Poslovnika Skupštine Kantona Sarajevo („Službene novine Kantona Sarajevo, broj:41/12-Drugi prečišćeni tekst 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), zastupnica u Skupštini Kantona Sarajevo Smiljana Viteškić je u okviru tačke dnevnog reda „Poslanička/zastupnička pitanja, inicijative i odgovori“, uputila inicijativu:

„Upućujem inicijativu nadležnom Ministarstvu za izmjenu Pravilnika koji definiše "Boravak studenata u Sportsko-rekreativnom centru Bossina Zaostrog", kojeg provodi Ured za podršku studenata u saradnji sa Ministarstvom za nauku i visoko obrazovanje Kantona Sarajevo.

Član 15. Stav 2 Asistenti se angažuju prvenstveno za direktnu podršku studentima sa težim oblicima invaliditeta, u skladu sa procjenom potreba koju vrši Ured te njihove odgovornosti uključuju:

1. Pomoć pri kretanju, komunikaciji i obavljanju svakodnevnih aktivnosti,
2. Asistenciju tokom edukativnih i rekreativnih sadržaja,
3. Poštivanje privatnosti i dostojanstva studenta kojom pružaju podršku.

Javni poziv za prijavu, odnosno prijavni obrazac sadrži tri obrasca za prijavu: student/studentice sa invaliditetom, studenti/studentice-volonteri i obrazac za nastavno osoblje - volontere te ne predviđa prijavljivanje asistenta ili volontera koji nisu uposlenici Univerziteta u Sarajevu. Samim tim je onemogućena prijava volonterima koji nisu uposlenici UNSA što smatram lošom praksom i diskriminacijom te molim da se omogući prijava navedenim licima.

Pored toga, vrlo je bitno naglasiti da je prijava studenata i profesora sa Fakulteta Sporta i tjelesnog odgoja ključna zbog radnih aktivnosti i radionica.

Koordinatori projekta bi morali biti iz reda nastavnika kako bi se sa sigurnošću provodile sportske aktivnosti na moru (plivanje, igre u vodi kao i sve sportske aktivnosti koje moraju biti prilagođene osobama za invaliditetom).

Nakon izvršenih prijava ključno je u pravilnik uvrstiti i klauzulu da je obavezno obaviti intervju i procjenu prijavljenih studenata kako bi se utvrdilo da su u stanju preuzeti odgovornosti predviđene Pravilnikom.“



ODGOVOR

Povodom zastupničke inicijative zastupnice u Skupštini Kantona Sarajevo, prim. dr. Smiljane Viteškić, koja se odnosi na izmjenu Pravilnika kojim se uređuje boravak studenata u Sportsko-rekreativnom centru Bosna Zaostrog, a koji se realizuje putem Ureda za podršku studentima u saradnji sa Ministarstvom za nauku, visoko obrazovanje i mlade Kantona Sarajevo, Ministarstvo daje sljedeće očitovanje.

Ministarstvo cijeni iskazani interes za unapređenje organizacije programa boravka studenata u Sportsko-rekreativnom centru Bosna Zaostrog, posebno u dijelu koji se odnosi na pružanje podrške studentima sa invaliditetom, te će dostavljene prijedloge razmotriti prilikom narednih izmjena i dopuna Pravilnika, vodeći računa o važećim propisima, organizacijskim mogućnostima, sigurnosnim aspektima i ciljevima programa.

U odnosu na prijedlog da se omogući prijavljivanje asistenata i volontera koji nisu studenti niti zaposlenici Univerziteta u Sarajevu, ističemo da je postojeći koncept programa zasnovan na angažovanju studenata i nastavnog osoblja Univerziteta u Sarajevu. Program se realizuje kao oblik institucionalne podrške studentima Univerziteta putem Ureda za podršku studentima, zbog čega je krug potencijalnih učesnika usklađen s njegovom organizacionom i funkcionalnom strukturom. Eventualno proširenje kruga lica koja mogu učestvovati u programu zahtijevalo bi prethodnu sveobuhvatnu analizu pravnih, organizacionih, sigurnosnih i finansijskih aspekata, kao i usaglašavanje sa Univerzitetom u Sarajevu kao partnerom u realizaciji programa.

Prijedlog koji se odnosi na veće uključivanje nastavnog osoblja Fakulteta sporta i tjelesnog odgoja kao koordinatora u organizaciju i realizaciju sportskih i rekreativnih aktivnosti bit će dostavljen Uredu za podršku studentima i Univerzitetu u Sarajevu na razmatranje. Ministarstvo smatra da stručna podrška nastavnog osoblja iz oblasti sporta i tjelesnog odgoja može doprinijeti kvalitetnijoj realizaciji aktivnosti koje se provode u okviru programa, posebno kada je riječ o sadržajima prilagođenim studentima sa invaliditetom. Istovremeno napominjemo da je nastavno osoblje Fakulteta sporta i tjelesnog odgoja i u prethodnim ciklusima učestvovalo u realizaciji pojedinih programskih aktivnosti.

Kada je riječ o prijedlogu da se u postupak odabira volontera i asistenata uvede obavezni intervju i procjena kompetencija prijavljenih kandidata, Ministarstvo smatra da navedeni prijedlog može doprinijeti kvalitetnijem izboru učesnika i osiguravanju adekvatne podrške studentima sa invaliditetom. Stoga će se njegova opravdanost razmotriti prilikom narednog unapređenja procedura izbora i angažovanja učesnika, uz uvažavanje administrativnih i organizacionih kapaciteta nosilaca programa.

Ministarstvo ostaje opredijeljeno za kontinuirano unapređenje programa podrške studentima, u saradnji sa Univerzitetom u Sarajevu i Uredom za podršku studentima, vodeći računa o principima jednakih mogućnosti, inkluzivnosti, sigurnosti i kvalitetne organizacije svih programskih aktivnosti.



Dostaviti:

- Naslovu;
- Stručnoj službi Vlade Kantona Sarajevo;
- a/a.

